



---

Pres Konferens - 26 Septemba, 2011

Rivisen blong Praes blong Elektriciti long Vanuatu

Wan Fowod Step blong Ekonomik Rifom blong Vanuau

---

### Stetmen blong Komisen

Utiliti Rekuletori Otoriti blong Vanuatu, o URA, i stanap long yia 2008 blong **regkuletem elektriciti mo wota seves**. URA i setap anda long Akt blong hem, we i laenemaot ol objektif mo ol wok mo diuti blong hem.

Men objektif blong Otoriti i:

- blong meksua se olgeta utiliti olsem **UNELCO GDF SUEZ mo VUI Pernix** oli kivim wan **seves we kastoma i trastem**, i sef mo praes blong seves ia i **no go antap tumas**;
- blong meksua se ol seves ia i kasem plante moa haoshol o kastoma we istap insaed mo aotsaed long konsesen eria;
- mo blong protektem **long tem intres** blong konsuma.

Hemi pefomem ol wok ia long wan **transperen fasen mo i wok independen** long Kavman. Hemi advaesem Kavman long olgeta samting we i relet long elektriciti mo wota. Antap long hemia, Otoriti hemi risponsibol tu blong manajem dispiut blong ol kastoma.



Tede mifala i eim blong kivim long yufala:

- wan **'independen mo fea' advaes mo infomesen** abaot elektriciti sekta long Vanuatu, mo
- wan updet abaot wanem we i **stap gohed naoia long saed blong developmen blong tarif blong tede, invesmen mo ol isiu** we i stap relet long elektriciti sekta raon long kantri.

Eim blong Otoriti i blong protektem ol long tem intres blong olgeta konsiuma. Antap long hemia, Otoriti i mas konsidarem ol intres blong olgeta stekholda, mo bikwan nao long kavman polici blong dilifarem seves i go long pablik.

Bae mifala i provaedem wan apdet long ol fakts we i relet long niufala tarif we i aplae long Luganville, Malakula, Port Vila mo Tanna.

Otoriti hemi andastand plante se kos blong eneji hemi wan bigfala fakta blong ekonomik developmen blong Vanuatu. Long yia 2009, kavman i konsen tumas long hae praes blong elektrisiti mo i rikwestem long Otoriti blong statem wan ful tarif rivi mo assessem operesen blong UNELCO long Luganville, Malakula, Port Vila mo Tanna.

Otoriti i inisiatem wan transperen mo konsaltatif proces, we i involvem evri stekeholda konsen, we i inkludim UNELCO, Kavman mo pablik, i lid i go long agrimen long ij step blong proces ia. Rivi mo proces ia i resal long wan stret 'methodology' blong setem wan tarif, we i alaoem kos long operesen mo mentenenj wetem wan risenebol ret blong reten long invesmen blong UNELCO.

Long faenol disisen blong Mai 2010 **Otoriti i setmaot wan impoten redaksen long elektrisiti tarif** blong ol smol domestik kastoma mo wan avarej praes redaksen blong araon 6.8 pecen blong mos long elektrisiti kastoma.

**Kaonsel blong ol Minista i endosem disisen blong Otoriti** mo expresem se UNELCO i agri blong implementem niufala tariff. **UNELCO i no akseptem** posisen blong Kaonsel blong Minista mo proposem wan narafala **tarif we i stap long wan hae level**. From risen ia, Kavman i go insaed long wan **proces blong abitresen** blong mekem se dispiut bae i setel long wan **independen abitresen panel**.

**Otoriti hemi akt long behaf blong Kavman mo defendem disisen** yia long abitresen proces. Long Epril 2011, Panel blong ol Abitreta i mekem awod blong olgeta, mo i haelaetem ol poen ia:

- Wetem isiu blong aplikesen blong 'Capital Asset Pricing Model' (CAPM) fomula we Otoriti i aplaem mo UNELCO i dispiutim—
  - **Panel i deklarem bakegen** posisen blong Otoriti se wan CAPM model i stret blong deteminem ret blong risenebol reten blong UNELCO ; mo
  - Ol valiu we i bin wok aot finis blong wan siris blong input we i stap long dispiut blong CAPM model.
- Wetem isiu blong removem Luganville konsesen aot long abitresen proces –
  - **Panel i deklarem bakegen** posisen blong Otoriti se blong ol purposes blong abitresen, tarif we i awod bae i inkludim operesen blong Luganville konsesen.
- Wetem isiu blong pasem ol benefit blong Win farm i ko long ol kastoma long tarif blong fastaem mo long niufala tarif ova long nekis 5 yia –
  - Panel i deteminem se ol win fam benefit blong fastaem **i no save 'claw back'** aot long UNELCO mo afktem nogud ol kastoma; mo
  - Notem wan impoten samting we ino save dispiutim se **fiuja benefit i pasem i go long ol kastoma** tru long tarif naeia i go.
- Long saed blong fomula we i adjastem praes –
  - Panel i deteminem se, from ino gat ol nara fasen blong deteminem wan fea mo risenebol praes blong kokonat oel we UNELCO subsidiari i saplaem, **ol kos blong kokonat oel bae i semak long praes blong mazut**.
- Awod ia i stap insaed long tarif rivi faenancel model blong Otoriti mo i resal long—
  - Wan beis praes blong 46.65 Vatu;
  - Wan jenis long praes adjasmen fomula blong wan manis we tekem in kos blong fuel, ius blong riniuebol mo ol jens blong ol narafala fakt;
  - Wan tarif strakja we i aotlaen long Mai 2010 Faenol Disisen blong Otoriti; mo
  - wan aproximet avarej tarif we i go daon long 4.7 percent (komperem wetem fas disisen blong Otoriti we i 6.8 percent) mo redaksen blong 40 persen blong ol lo konsamsen kastoma (olgeta kastoma we i anda long 60 kWh long wan manis)
- Tarif rivi i winim olgeta gudfala aotkam ia blong kastoma mo Kavman tu:
  - Hemia wan fes taem we, **wan tarif we i ko daon i bin kamaot long wan independen**

**riviu**

- Wan gudfala **faenancel model** blong aplaem long Vanuatu long ol fiuja riviu ; mo
- **Ol benefit i pas tru long wan transparen fasin i go tru long kastoma**

- UNELCO i stat blong iusum awod ia stat long namba 1 Mai 2011 long Malakula, Port Vila mo Tanna.

Otoriti bae i mekem faenol awod i kam pablik long print mo long website blong hem. Be, mifala i wantem **haelaetem**, how samfala poen we i stap long diskasen finis kasem naoia i stap **directly impactem ol kastoma**, moa nao long aplikesen blong faenancel model, benefit blong win fam nmo praes blong kokonat .

Aplikesen blong wan 'Capital Asset Pricing Model '( o CAP M) i meksua se beihaen long ol aktual kos, UNELCO i kasem wan rewod wetem wan return blong invesmen long wan **fea mo risenebol level**. Hemia i meksua se UNELCO i mentenem ol invesmen blong network infrastructure, wea kastoma nao i pem tru long tarif. Mo tu i stap meksua se UNELCO i no profite antap long fea reten long ol invesmen ia. Otoriti i provaedem se klosap **3.5 Billion Vatu** blong ol investmen i spred ova long 5 yia, we ol **kastoma i pem finis** tru long tarif. Otoriti i mekem wan poen long decisen se ol invesmen nomo we i stap long wan invesmen plan we Otoriti i aprovem i alao blong pas tru i ko long ol kastoma. Sipos plan ia i no mitim ol rekwaemen we i stap. **Otoriti bae i mekem wan klem long mane blong ol kastoma we bae hemi kloem bak long nekis riviu.**

Panel blong abitresen hemi dil tu wetem topik blong riniubol eneji sos,, esepeli win fam long Port Vila, we i **seneretem elektriciti long wan kos we i daon nomo** komparem wetem mazut. Panel i konklud se i **no save awodem ol benefit blong bifo** we i kam long lo kos win fam stat long taem we win fam i stat go kasem namba 30 April 2011. So, long pas, ol benefit blong operetem win fam **UNELCO ino bin pasem i mo i no mekem wan gudfala samting long ol kastoma blong hem**. Be ,long Mai 2011, olsem we dicisen blong Otoriti i talem, ol benefit we i kamaot long ol reniubol seneresen sos, we i inkludim win fam, i **pasem i ko tru long tarif mo i benefit long ol kastoma long ol taem we i stap kam.**

Long decisen blong Otoriti wetem rekad long praes blong, Otoriti i soem konsen blong hem ova long fasin we **UNELCO i stap procurem kokonat oel long wan subsidiery** long wan kos we i no stap matj wetem maket praes. Otoriti i resem konsen ia wetem abitresen panel be from se ino gat wan stret wei blong deteminem wan fea mo risenebol praes blong kokonat oel we sabsidery blong UNELCO i saplaem, **naoia bae praes blong kokonat oel i folem stret praes blong mazut**. Hemia i minim se ol benefit blong pem lokol kokonat oel long wan low praes i no pas nating i ko ol kastoma. Bae Otoriti monitarem gud ol divilopmen wetem wan tingting blong kamap wetem wan fea metodologi **blong wokemaot ril kos blong kokonat oel long Vanuatu blong mekemsua se eni benefit i pas i ko long kastoma long ol taem i stap kam.**

Otoriti i bin setem wan beis tarif blong elektriciti folem tarif disisen we i stap naoia; be tru praes blong wan iunit blong elektriciti (long kilo-wat haoa) ino rili jasem i ko long evri kastoma. Otoriti i difinem, long disisen blong hem, wan **tarif straktja** we i setmaot hamas long beis praes i aplae long ol diferan **katekori, o plan, we ol kastoma oli save jusum.**

Folem pawa blong hem blong mekem elektriciti i isi blong kasem, mo folem disisen we istap, Otoriti i **statem wan efaluesen long ol difren tarif katekori, o plan**, we ol kastoma oli saenap from. Ol katekori ia i save kat wan **impoten efekt long bil blong ol kastoma.**

Efaluesen blong tarif katekori blong ol kastoma long Malakula, Port Vila, mo Tanna i stap kohed naoia, be i stap sloslo from se **UNELCO i stap rifuis** blong kivim infomesen we Otoroti i nidim.

Long tis taem, **ol kastoma long Luganville i stap benefit** stat long namba 1 Jenuare 2011 long **orijinal beis tarif we Otoroti i daonem long 6.8%, mo 48%** long ol smol kastoma. Wetem koperesen

blong VUI, Otoriti i putumaot wan **tarif straktja we i moa simpol mo i ifektif wetem ol difren plan we i stap** blong benifitem kastoma. Otoriti i andastan se **majoriti blong kastoma i glad long straktja ia.**

Blong samemap, folem tarif rifu proses blong Otoroti, wan independen abitresen panel i diklerem posisen blong Kavman i **jastifaem methodolgi blong wokemaot kos we Otoroti i iusum mo i jastfaem wan risenebol reten blong UNELCO.** Wetem givhan blong olgeta i gat save long hemia, panel i lukluk long ol ekonimik data blong setemap wan stret level blong reten long invesmen blong UNELCO.

**Ol ke poen long disisen blong Otoroti,** olsem benefit blong riniubol enji sos i ko long kastoma i **diklerem,** be sam kwetin olsem risenebol praes blong kokonat oel i stap iet **blong wok wetem long fiuja.**

Yumi mas notem se long **fes taem long histori blong Vanuatu,** beis praes blong elektriciti raon long kantri i ko daon folem tranperen mo independen rivi blong Otoriti. Positif aotkam ia i **konfemem iniatif blong Kavman** blong provaedem wan rekiuletori fremwok we i tekem **long tem intres blong kastoma** long front blong hem blong i **ekarejem sastenebol ekonomik developmen blong Vanuatu.**

**Tankiu.**

---

## **Hu ia Otoriti**

Iutili Rekiuletori Otoriti (IRO) i bin setap anda *Iutiliti Rekiuletori Otoriti Akt No. 11 blong 2007.* Hemi wok olsem wan independen bodi mo men wok blong hem i blong mekem akses long sef, relaebol mo afodebol seves blong elektriciti mo wota, blong protektem long tem intres blong ol kastoma raon long Vanuatu. Insaed long sekta blong elektriciti, Otoriti i monitarem konsesen we UNELCO GDF SUEZ i operetem long Malakula, Port Vila mo Tanna; mo hemia we Vanuatu Utilities and Infrastructure Ltd (VUI) i opretem long Luganville. Antap long hemia, Otoriti i manejem ol dispiut blong kastoma mo givim advaes long Kavman long ol samting we i relet long elektriciti mo wota. Hemi stap lukluk tu long ol tarif anda long rul blong Konsesen Agrimen mo relefen lexislesen.

## **kontakt blong Otoroti**

Website: [www.ura.gov.vu](http://www.ura.gov.vu)      Email: [office@ura.gov.vu](mailto:office@ura.gov.vu)  
Fone: (678) 23335      Faks: (678) 23087  
Adres: Vanuatu Nasonal Profiden Fan Haos, Kraon Flo  
Postel adres: PMB 9093, Port Vila, Vanuatu

## **Hu ia UNELCO**

Union Electrique du Vanuatu Limited (UNELCO) hemi wan sabsideri blong GDF SUEZ. Hemi operetem elektriciti konsesen long Port Vila, Malakula mo Tanna. I stap operet long Vanuatu stat long yia 1939.

## **Hu ia VUI**

Vanuatu Utilities and Infrastructure Limited (VUI) hemi wan sabsideri blong Pernix Group, Inc. Pernix Group's Power Operations and Management Services (O&M) divisen i profaedem wan gud mix blong

seves blong mentenem mo manajem evri pat blong operetem pawa opresen. VUI i stap operetem elektriciti konsesen long Luganville stat long 1 Jenuare 2011.